

*Starfsleyfi*

# STARFSLEYFISSKILYRÐI FYRIR FRAMHALDSSKÓLA

*Samræmd starfsleyfisskilyrði vegna hollustuhátta, sbr. lög nr. 7/1998 um hollustuhætti og mengunarvarnir, með síðari breytingum*

## 1 Almenn ákvæði og gildissvið

- 1.1 Starfsleyfið gildir fyrir skóla á framhaldsskólastigi, þar sem nám miðar að lokaprófi, svo sem framhaldsskólaprófi, starfsréttindaprófi, stúdentsprófi eða öðrum skilgreindum námslokum sem geta miðast við tiltekin störf og veitt sérstök réttindi þeim tengd.
- 1.2 Starfsleyfið gildir aðeins í húsnæði sem tilgreint er í starfsleyfinu og hlotið hefur samþykki byggingarnefndar fyrir starfsemina. Starfsleyfi framhaldsskóla tekur til húsnæðis og lóðar.
- 1.3 Þess skal gætt við staðsetningu framhaldsskóla að ekki verði um að ræða ónæði vegna hávaða frá umferð, atvinnurekstri eða annarri starfsemi.
- 1.4 Ef um annan starfsleyfisskyldan rekstur er að ræða samhliða, gilda viðeigandi starfsleyfisskilyrði.
- 1.5 Innra eftirlit skal vera í samræmi við 11.gr. reglugerðar nr. 941/2002 um hollustuhætti.
- 1.6 Aðgangur skal vera að neysluvatni, um gæði þess gilda ákvæði reglugerðar um neysluvatn.
- 1.7 Rekstraraðili ber ábyrgð á rekstri fyrirtækis að öllu leyti þar með talið að lögum og reglum, sem eiga við um starfsemina, sé fylgt sem og kröfum í starfsleyfi.

## 2 Húsnæði og búnaður

- 2.1 Húsnæði skal vera vel við haldið og aðskilið frá óskyldum atvinnurekstri eða íbúð.
- 2.2 Húsakynni skulu vera rúmgóð, björt, hæfilega hituð og loftræst á fullnægjandi hátt.
- 2.3 Greiður aðgangur skal vera að drykkjarvatni.
- 2.4 Hljómburður skal vera hæfilegur og hljóðeinangrun þannig að ekki verði truflun af ólíkri starfsemi innan skólans.
- 2.5 Læst og loftræst ræstiaðstaða skal vera til staðar. Þar skal vera ræstilaug og nægilegt geymslurými fyrir ræstiáhöld og efnavöru.
- 2.6 Gólfplötur salernisrýmis skal vera minnst 1,2 m<sup>2</sup> og 3,3 m<sup>2</sup> fyrir hreyfihamlaða og loftræst með opanlegum glugga eða vélrænni loftræsingu. Ruslafata með loki skal vera í hverjum salernisklefa. Einnota þurrkur og fljótandi handsápa skal vera við handlaugar á salernum.
- 2.7 Sérstök aðstaða skal vera fyrir nemendur til að matast.
- 2.8 Í skólum skal vera aðstaða til aðhlyningar nemenda vegna skyndiveikinda. Skal þar vera að lágmarki legubekkur, stóll og handlaug.

### 3 Hávaði

- 3.1 Um hávaða gildir reglugerð nr. 724/2008 um hávaða.

### 4 Hreinlæti og þrif

- 4.1 Í framhaldsskólum skal vera skrifleg hreinlætisáætlun og verklýsing á hverju vinnusvæði, þar sem fram kemur hversu oft á að þrifa og hvaða efni á að nota til þrifa.
- 4.2 Allsherjarhreingerning skal gerð á öllu húsnæðinu a.m.k. einu sinni á ári. Gólfefni og annar frágangur húsnæðis skal vera þannig að þrif séu auðveld.
- 4.3 Loftræstikerfi skal halda við og hreinsa reglulega. Þjónustuhandbók eða samsvarandi leiðbeiningar skulu vera aðgengilegar fyrir eftirlitsaðila.
- 4.4 Ekki má hleypa hundum, köttum eða öðrum gæludýrum inn í húsnæðið eða á lóð.
- 4.5 Reykingar eru bannaðar í framhaldsskólum, bæði í húsnæði og á lóð.

### 5 Matvæli

- 5.1 Um matvæli gilda lög nr. 93/1995 um matvæli með áorðnum breytingum og reglugerðum settum samkvæmt þeim.

### 6 Öryggi og slysavarnir

- 6.1 Starfsreglur og búnað skal miða við að auka öryggi og koma í veg fyrir slys. Fara skal eftir viðeigandi stöðlum um öryggi og slysavarnir.
- 6.2 Skólastjóri er ábyrgur fyrir því að reglulegt innra eftirlit sé haft með leiksvæðum, mörkum og búnaði.
- 6.3 Blöndunartæki við handlaugar skulu vera hitastýrð. Vatnshiti við töppunarstað skal ekki fara yfir 43°C í skólum.
- 6.4 Skólastjóri skal skrá slys og óhöpp sem verða í skólanum á þar til gerð eyðublöð.

### 7 Umhverfismál

- 7.1 Aðkoma og lóð skulu vera hrein og snyrtileg og uppfylla almenn öryggissjónarmið.
- 7.2 Spilliefnum skal komið til móttökustöðva. Leitast skal við að draga úr sorpmyndun og auka endurvinnslu úrgangs.
- 7.3 Lyf og hættuleg efni skulu geymd í læstri hirslu. Efnavara skal merkt á fullnægjandi hátt. Öryggisleiðbeiningar fyrir efnavöru skulu vera til staðar.
- 7.4 Leitast skal við að nota umhverfismerkt efni til þrifa o.þ.h. þar sem því verður við komið og forðast óþarfa notkun á efnavöru.
- 7.5 Fara skal að ákvæðum reglugerðar um fráveitur og skólþéttir eftir því sem við á.

**Starfsleyfisskilyrðin eiga sér m.a. stoð í eftirfarandi lögum og reglugerðum með síðari breytingum:**

Lög nr. 7/1998 um hollustuhætti og mengunarvarnir, reglugerð nr. 941/2002 um hollustuhætti, reglugerð nr. 942/2002 um öryggi leikvallataekja og leiksvæða og eftirlit með þeim, reglugerð nr. 737/2003 um meðhöndlun úrgangs, reglugerð nr. 806/1999 um spilliefni breytt með reglugerð nr. [169/2002](#), reglugerð nr. 708/2008 um þvotta- og hreinsiefni, reglugerð nr. 724/2008 um hávaða, reglugerð nr. 798/1999 um fráveitur og skólp, lögum nr. 6/2002 um tóbaksvarnir og lögum nr. 19/1997 um sóttvarnir, lögum nr. 93/1995 um matvæli með áorðnum breytingum og reglugerðum settum samkvæmt þeim., reglugerð nr. 536/2001 um neysluvatn, reglugerð nr. 236/1990 um flokkun og meðferð eiturefna, hættulegra efna og vöruhegunda, sem innihalda slík efni, reglugerð nr. 748/2003 um snyrtivörur, reglugerð nr. 655/2009 um starfsemi leikskóla, og byggingarreglugerð nr. 441/1998.

**Atvinnugreinaflokkur (ISAT):**

- 85310 Fræðslustarfsemi á framhaldsskólastigi - bóknám
- 85320 Fræðslustarfsemi á framhaldsskólastigi – iðn- og verknám